

SAKSPAPIR

Saksnr	Utval	Type	Dato
043/21	Formannskapet	PS	02.06.2021
058/21	Heradsstyret	PS	17.06.2021
	Råd for menneske med nedsett funksjonsevne	PS	
	Råd for menneske med nedsett funksjonsevne	PS	
	Ungdomsråd	PS	
009/21	Arbeidsutval for innstilling i valsaker (valnemnd)	PS	15.06.2021

Saksbehandlar	ArkivsakID
Linda Judith Svidal Nordås	21/528

Oppstart av planarbeid med planprogram - Kommunedelplan for idrett og fysisk aktivitet

Vedlegg:

Planprogram KDP Idrett og fysisk aktivitet

Rådmannen sitt framlegg til vedtak:

1. Heradsstyret vedtek med dette oppstart av kommunedelplan for idrett og fysisk aktivitet, PlanID 46302021002, jf. plan- og bygningsloven § 11-12.
2. Heradsstyret vedtek at framlegg til planprogram vert lagt ut til høyring og offentleg ettersyn i minimum 6 veker med heimel i plan- og bygningsloven §§ 11-13 og 11-14.
3. Heradsstyret vedtek at gjeldande kommunedelplan for idrett, friluftsliv og fysisk aktivitet 2008-2019 forlengast til å gjelde ut 2022.
4. Heradsstyret vel 2 politikarar til å delta i arbeidsgruppa til planarbeidet.

Formannskapet - 043/21

FS - behandling:

Hjalti H. Gislason, H, gjorde slikt framlegg om tillegg: "Del 3 «Gjennomføring av planarbeidet» side 7, «Organisering av planarbeidet» kjem «Styret i Osterøy Aktiv AS» inn som kulepunkt i lista over referansegrupper.

Grunngjeving:

Osterøyhallen er eitt av kommunen sine viktigaste bygg for innandørs idrett og fysisk aktivitet. Det gjev tilbod til fleire lag og organisasjonar, og styret har kunnskap om både bruk og kapasitet som kan påverka føresetnadane i planen eller planen sine mål."

AVRØYSTING

Hjalti H. Gislason sitt framlegg - samrøystes tilrådd (2SP,2AP,1H,1SV,1KRF,1FRP)
Rådmannen sitt framlegg - samrøystes tilrådd (2SP,2AP,1H,1SV,1KRF,1FRP)

FS - vedtak:

"1. Heradsstyret vedtek med dette oppstart av kommunedelplan for idrett og fysisk aktivitet,

PlanID 46302021002, jf. plan- og bygningsloven § 11-12.

2. Heradsstyret vedtek at framlegg til planprogram vert lagt ut til høyring og offentlig ettersyn i minimum 6 veker med heimel i plan- og bygningsloven §§ 11-13 og 11-14.

3. Heradsstyret vedtek at gjeldande kommunedelplan for idrett, friluftsliv og fysisk aktivitet 2008-2019 forlengast til å gjelde ut 2022.

4. Heradsstyret vel 2 politikarar til å delta i arbeidsgruppa til planarbeidet.

Tilleggspunkt: Del 3 «Gjennomføring av planarbeidet» side 7, «Organisering av planarbeidet» kjem «Styret i Osterøy Aktiv AS» inn som kulepunkt i lista over referansegrupper."

Arbeidsutval for innstilling i valsaker (valnemnd) - 009/21

VN - behandling:

Etter drøftingar vart det gjort slikt framlegg om val: Helge Edwardsdal, SP og Øyvind Litland, AP.

AVRØYSTING

Framlegget vart samrøystes tilrådd.

VN - vedtak:

Innstilling til val:

"Helge Edwardsdal, SP og Øyvind Litland, AP."

Heradsstyret - 058/21

HS - behandling:

Turid B. Njåstad, SP, gjorde på vegne av Arbeidsutvalet for innstilling i valsaker slikt framlegg: "Medlemmer til arbeidsgruppa: Helge Edwardsdal, SP og Øyvind Litland, AP."

Jarle Skeidsvoll, KRF, gjorde slikt framlegg om tillegg: "Mål for planarbeidet, s. 4: Nytt tredje strekpunkt: Osterøy skal, i eigen regi eller i samarbeid med lag, organisasjonar eller verksemder, kartlegge eksisterande ferdselsvegar (vegar, stiar, tråkk, etc.) og aktuelle nye friluftsområde med mål om å leggja til rette for vesentleg auka fysisk aktivitet i naturen. (Auka tilgang til desse naturgoda skal òg vere ein del av arbeidet med å auke attraktiviteten til Osterøy).

Grunngjeving: Det har tidlegare vore fokus på «anlegg» og spelemidlar i realiseringa av plan for idrett, friluftsliv og fysisk aktivitet. Heradstyret meiner at me i arbeidet med ny plan må utvida dette tradisjonelle perspektivet og (heilt naturleg) utvida med vesentleg auka innsats for tilrettelegging av organisert/uorganisert aktivitet i naturen («til lands og til vanns»). I dette arbeidet kan t.d. lokalt næringsliv (Osterøy Reiselivslag, Osterøy Industrielag, einskildverksemder) og regionale organisasjonar/mynde som Bergen og Omland Friluftsråd og Vestland fylke vere sentrale samarbeidspartnarar. Ein må vidare i dette arbeidet aktivt søkje midlar frå offentlege og private kjelder, anten det gjeld spelemidlar (offentleg), kulturmidlar eller midlar frå t.d. Sparebankstiftelsen, Gjensidigestiftelsen, Kavlifondet, etc."

AVRØYSTING

Arbeidsutvalet sitt framlegg - samrøystes vedteke
J. Skeidsvoll sitt framlegg - vedteke med 24 røyster
(5SP,4AP,4H,2SV,1V,1MDG,3KRF,4FRP)

mot 3 røyster (3FRP (K.A.Hartveit,R.J.Tysebotn, S.

Faugstad)

Formannskapet si innstillinga
med tillegg

- samrøystes vedteken

HS - vedtak:

"1. Heradsstyret vedtek med dette oppstart av kommunedelplan for idrett og fysisk aktivitet, PlanID 46302021002, jf. plan- og bygningsloven § 11-12.

2. Heradsstyret vedtek at framlegg til planprogram, med slikt tillegg under Mål for planarbeidet, s. 4: Nytt tredje strekpunkt: Osterøy skal, i eigen regi eller i samarbeid med lag, organisasjonar eller verksemder, kartlegge eksisterande ferdselsvegar (vegar, stiar, tråkk, etc.) og aktuelle nye friluftsområde med mål om å leggja til rette for vesentleg auka fysisk aktivitet i naturen. (Auka tilgang til desse naturgoda skal òg vere ein del av arbeidet med å auke attraktiviteten til Osterøy), vert lagt ut til høyring og offentleg ettersyn i minimum 6 veker med heimel i plan- og bygningsloven §§ 11-13 og 11-14.

3. Heradsstyret vedtek at gjeldande kommunedelplan for idrett, friluftsliv og fysisk aktivitet 2008-2019 forlengast til å gjelde ut 2022.

4. Medlemmer i arbeidsgruppa til planarbeidet: Helge V. Edwardsdal, SP og Øyvind Litland, AP.

Tilleggspunkt: Del 3 «Gjennomføring av planarbeidet» side 7, «Organisering av planarbeidet» kjem «Styret i Osterøy Aktiv AS» inn som kulepunkt i lista over referansegrupper."

Saksopplysningar:

Saksopplysningar:

SAMANDRAG

Kommunedelplan for idrett, friluftsliv og fysisk aktivitet skal rullerast. Saka gjeld varsling av oppstart av planarbeid og at framlegg til planprogram vert lagt ut til høyring og offentleg ettersyn i minimum 6 veker.

Rullering av kommunedelplanen er i tråd med planstrategien for 2020-2024.

Initiativtakar for planen er Osterøy kommune.

Formannskapet kjem med innstilling til Heradsstyret.

Heradsstyret avgjerd saka.

SAKSOPPLYSNINGAR

Kommunedelplanen er avgrensa til å gjelde for idrett og fysisk aktivitet, og har mellom anna mål som å gje eit oversyn over nærmiljøanlegg, ordinære anlegg, kartlagde friluftsområde og leggje til rette for at innbyggjarane i Osterøy kommune har moglegheiter til å utøve organisert og uorganisert idrett og friluftaktivitetar kvar dag.

Planen skal difor kartlegge og sikre friluftsområde, gje eit oversyn over kva anlegg som er i dag. Planen skal syne kva anlegg Osterøy kommune treng i planperioden og kvar desse bør ligge.

Bakgrunn for planarbeidet

Det er behov for ny plan, fordi denne planen er grunnleggande for å kunne bli tildelt midlar frå spelemiddelordninga til Norsk tipping. Vestland fylkeskommune godkjenner ikkje søknader om spelemidlar med mindre dei har heimel i ein kommunedelplan. Det er òg krav om at handlingsprogrammet skal bli rullert årleg.

Kommunedelplan for idrett, friluftsliv og fysisk aktivitet var gjeldande for perioden 2008 – 2019, og vart forlenga ut 2021 i Heradsstyremøte 09.12.20, jf. sak 097/20.

Krav til planprogram

Det er krav til planprogram jf. pbl § 4-1, då planen er ein kommunedelplan som kan få vesentlege verknader for miljø og samfunn. Planprogrammet vert fastsett av Formannskapet.

Organisering av planarbeidet

Prosjekteigar er Sektor for oppvekst, undervisning og kultur.

Prosjektleiar er leiar for kultur og mangfald.

Styringsgruppa vil vere rådmannen sin leiargruppe.

Det er oppretta ei arbeidsgruppe med prosjektleiar og med prosesstøtte frå planavdelinga. Det vert foreslått at Heradsstyret vel 2 politikarar til å delta i arbeidsgruppa. Tilsette i Sektor for samfunnsutvikling vert trekt inn i arbeidet ved høve. Representantar frå rådet for menneske med nedsett funksjonsevne, eldrerådet, ungdomsrådet, idrettsrådet, Osterøy turlag, Osterøytrimmen, grendaråd og helselag kan verte kalla inn til arbeidsmøte ved behov.

Medverknad og framdrift

I planprosessen vert det lagt opp til medverknadsprosess der lag, organisasjonar og innbyggjarar skal ha moglegheit til å kome med innspel. Planprosessen vil følgje saksgang i plan- og bygningslova for å sikre krav til medverknad.

Rådmannen orienterer om at opphøveleg framdriftsplan om vedtak av plan i 2021, jf. HS sak 097/20, ikkje let seg gjere grunna kapasitet i administrasjonen og krav til saksgang som følger plan- og bygningslova. Framdriftsplan skissert i planprogrammet legg opp til vedtak av planen i siste halvdel av 2022.

Folkehelse

Å ha ein oppdatert plan som legg til rette for at alle Osterøy sine innbyggjarar har moglegheit til å vere fysisk aktiv kvar dag, vil føre til betre folkehelse. Planprogrammet er eit delmål på vegen til dette.

Miljø

Å synleggjere alle moglegheitene som finnes på Osterøy, og å legge til rette for spreing i ulike typar fysisk aktivitet vil kunne føre til meir aktivitet i nærmiljøet. Planprogrammet er eit delmål på vegen til dette, som planen har som eit av sine mål å oppnå (kartlegge friluftsområda våre og legge til rette for ulike typar idrett).

Økonomi

Spelemiddelfinansiering er nødvendig for å vedlikehalde og bygge nye idrettsanlegg. Vestland fylke krev ein oppdatert og gyldig kommunedelplan for å tildele spelemidlar. Hensikten er mellom anna at dei anlegga som får tildeling via ordninga, er dei anlegga kommunen har vurdert trengs for halde allereie eksisterande anlegg, samt auke andelen fysisk aktive gjennom nye anlegg.

RÅDMANNEN SI KONKLUSJON

Rådmannen tilrår oppstart av planarbeidet.

Rådmannen tilrår at gjeldande kommunedelplan for idrett, friluftsliv og fysisk aktivitet 2008-2019 vert gjeldande ut 2022, då saksgang og kapasitet i administrasjonen gjer at revidert plan ikkje vert ferdig i løpet av 2021. Det er naudsynt med ei forlenging for at kommunen skal vere med i tildeling av spelemidlar for 2022.

Rådmannen tilrår Heradsstyret å fastsetje 2 politikarar til å delta i arbeidsgruppa til planarbeidet.